

1 UVOD

Bosna i Hercegovina je država koja se sastoji od dva entiteta (Republike Srpske i Federacije Bosne i Hercegovine) i Brčko distrikta. U njoj žive tri ravnopravna konstitutivna naroda Srbi, Hrvati i Bošnjaci, ali i ostali narodi koji se svrstavaju u manjine (Romi, Jevreji i sl.). Entiteti u Bosni i Hercegovini su prema Ustavu Bosne i Hercegovine dužni da ispune sve uslove za pravnu sigurnost i zaštitu lica pod svojom jurisdikcijom i da održavaju civilne ustanove za primjenu pravnih propisa.

Jedno od važnijih pitanja u Bosni i Hercegovini je pitanje vlasti. Vlast se uglavnom ispoljava u društvenom odnosu u kome država određuje ponašanje i aktivnosti pojedinaca uz pomoć stvarne ili potencijalne primjene organizovane prinude. Vlast mora biti legalna, organizovana i institucionalizovana jer se samo u organizovanom sistemu može ostvariti primjena vlasti i primjena sankcija. Organizacija vlasti podrazumijeva odnos između zakonodavne, izvršne i sudske vlasti što znači da je potrebno uspostaviti odnose državnih organa na svim nivoima.

I unutar svakog entiteta je organizovano vršenje vlasti i uspostavljeni su odnosi između različitih oblika vlasti. U Republici Srpskoj vlast je organizovana po sistemu podjele vlasti tako što zakonodavnu vlast vrši Narodna skupština, izvršnu Vlada, a sudska vlast pripada sudovima.

1.1 Predmet istraživanja

Prije nego što definišem predmet istraživanja potrebno je da postavim problem istraživanja. U Republici Srpskoj ne postoji dovoljno literature ni stručnih radova o nivoima vlasti, njihovim pravima, nadležnostima i obavezama prema građanima. Jedina literatura koju možemo pronaći je na Internetu u vidu Ustava i zakona. Stoga se javila potreba da sprovedem istraživački rad na temu „Izvršna vlast u Republici Srpskoj“. To je ujedno i predmet istraživanja koje ću sprovesti.